

資治通鑑綱目卷之二十六

明 史官陳仁錫評閱

起辛卯宋文帝元嘉二十八年魏太武帝太平真君十二年○盡乙巳宋明帝泰始元年

魏文成帝

和平六年

凡十五年

辛

宋

元嘉二十八年

魏

考異

太平真君十二年提要作正平元年

卯太平真君十二年

當從提要

春正月魏師還

正月朔魏主大會羣臣於瓜步山上班爵行賞有差魏人緣江舉火右衛率尹弘言於宋

主曰六夷如此必走明日果掠居民焚廬舍而去

集覽

石衛率注見梁武帝天監

五年

質實

瓜步山注見元嘉廿七年

宋主殺其弟義康

太祖之于義康始則任之太重後則絕之太深放廢歷十餘年累無不軌之跡乃以疑似之嫌必欲殺之而後已猜恨刻薄極

胡誕世之反也江夏王義恭等奏義康數有怨言搖動民聽故不逞之族因以生心請徙義康廣州宋主先遣使語之義康曰人生會死吾豈愛生必為亂階雖遠何益請死于此恥復屢遷竟未及往魏師在瓜步人情惱懼宋主慮不逞之人復奉義康為亂太子劭及武陵王駿僕射何尚之屢啓宜早為之所宋主乃遣中書舍人嚴龍就殺之

質實

矣

不逞注見梁武帝太清三年江夏郡名注見

漢後主建興七年武昌廣州注見秦始皇三

十三年

南海

發明 義康前日之廢書國書彭城王者實

有其罪故以國法待之也義康今日

之死書宋主殺其弟者罪不至死故專目

宋主以甚之也晉春秋書鄭伯克段於鄆

君子譏鄭伯陷其弟於惡今宋主之於義

康始焉任之太過至使小人趨附以成其

罪然既貶之廢之又從而遠逐之是亦足

矣豈必殺之而後已象憂亦憂象喜亦喜

果如是乎書法

若此深惡之也

魏復取碭礮

宋江夏王義恭以碭礮不可守召王玄謨還歷城魏人追擊敗之遂取碭礮

質實

碭礮城名注見晉孝武帝太元九年歷城縣名注見漢光武建武五年歷下

魏主攻盱眙宋將軍臧質拒之魏師退走二月

過彭城宋人追之不及

初宋主聞有魏師命廣陵太守劉懷之逆燒城府船乘盡帥其民渡江山陽太守蕭僧珍歛民入城臺送糧仗詣盱眙及涓臺者以路不通皆留山陽僧珍又蓄陂水令滿須魏人

至。決以灌之。魏人過山陽。不敢留。因攻盱眙。魏主就臧質求酒。質封漉便與之。魏主怒。築長圍。一夕而合。運東山土石以填塹。作浮橋於君山。絕水陸道。遣質書曰。吾今所遣鬪兵。盡非我國人。城東北是丁零。與胡南是氐。羌。設使丁零死。正可滅常山。趙郡賊。胡死。滅并州賊。氐死。滅關中賊。卿若殺之。無所不利。質復書曰。省示具悉。奸懷。爾自恃四足。屢犯邊境。王玄謨退於東。申坦散於西。爾知其所以然邪。爾獨不聞童謠之言乎。蓋卯年未至。故以二軍開飲江之路耳。寡人受命相滅。期之白登。師行未遠。爾自送死。豈容復令爾生全。饗有桑乾哉。我本不圖全。若天地無靈。力屈於爾。壘之粉之。屠之裂之。猶未足以謝本。

能

魏武兵威
無敵而困
于滅質質
之智勇足
以堅人心

朝爾智識及眾力。豈能勝苻堅邪。今春雨已降。兵方四集。爾但安意攻城。糧乏見語。當出廩相貽。得所送劍刀。欲令我揮之爾身邪。魏主大怒。作鐵牀於其上。施鐵鑱。曰。破城得質。當坐之。此上質又與魏眾書曰。爾語虜中諸士庶。佛狸見與書相待如此。爾等正朔之民。何爲自取糜滅。豈可不知轉禍爲福邪。并寫臺格以與之。云。斬佛狸首。封萬戶侯。賜布絹各萬匹。魏人以鉤車鉤城樓。城內繫以羈。絙數百人。唱呼引之。車不能退。旣夜。絕桶懸卒出。截其鉤。獲之。明日又以衝車攻城。城土堅密。每至頽落。不過數升。魏人乃肉薄登城。分番相代。墜而復升。莫有退者。殺傷萬計。尸與城平。凡攻之三旬不拔。會魏軍中多疾疫。或

也乃晚節
不終卒以
反誅惜哉

賢

告以建康遣水軍自海入淮。又敕彭城斷其
歸路。二月朔。魏主燒攻具退走。盱眙人欲追
之。沈璞曰。今兵不多。雖可固守。不可出戰。但
整舟楫。示若欲北渡者。以速其走計。不須實
行也。臧質以璞城主。使之上露板璞固辭歸。
功於質。宋主聞益嘉之。魏師過彭城。宋江夏
王義恭震懼不敢擊。或告虜驅南口萬餘。夕
應宿安王陂。去城數十里。今追之可悉得。諸
將皆請行。義恭不許。明日驛使至。敕義恭悉
力急追。魏師已遠。義恭乃遣司馬檀和之向
蕭城。魏人先已聞之。

集覽

搜便。搜踈鳩反。卽
盡殺所驅者而去。小便。童謠之言。先

是童謠有云。虜馬飲江水。佛狸死。卯年蓋佛
狸。魏太武小字也。故下文云。卯年未至。故開

飲江之路期之白登我本期要自往白登山
盡滅汝之族類饗有桑乾言桑乾之地汝不
得饗而有之矣索隱曰乾音干代郡桑乾縣
後魏置郡桑乾川在郡北姚氏按北疆記桑
乾河在白登山南又在幽州昌平縣西南臺
格朝省格例也鉤車詩皇矣篇以爾鉤援與
爾臨衝以伐崇墉注鉤鉤梯也所以鉤引上
城者臨臨車也衝衝車也說文作輶輶陷陣
車也鉤古候反又古侯反衝昌容反輶輶
格侯反弓弩端弦所居也輶居登反大索也
史炤釋文曰謂以大索爲輶如弓弩輶之輶
繩桶懸卒出置兵卒於桶中以繩縋之懸下
城也左傳僖三十年燭之武
夜縋而出衝車注見前鉤車

質實

廣陵郡名
注見漢武

帝元朔五年淮南山陽郡名注見晉帝奕太和四年盱眙縣名注見秦二世二年滑臺縣名注見晉孝武帝太元九年築長圍按一統志鳳陽府盱眙縣北七里有長圍山乃宋臧質守盱眙後魏太武遂於都梁山築長圍城造浮橋絕水路卽此處東山注見元嘉二十七年君山未詳處所惟鳳陽府盱眙縣北六里有軍山乃魏鄧艾嘗堰澗爲塘以溉田後魏太武築長圍以圍臧質於此未知是否明者察焉丁零北狄國名注見漢武帝天漢元年常山郡名注見漢光武建元九年趙郡注見漢景帝三年趙國并州注見齊明帝建武三年關中注見唐玄宗開元十一年京兆百登山名注見漢高帝七年桑乾郡名注見漢

高帝六年馬邑肉薄注見晉安帝義熙十三年建康郡名注見漢獻帝興平二年彭城郡名注見秦始皇二十八年安王陂未詳處所蕭城注見元嘉二十七年

發明

去冬書魏及宋平春秋書平以及者爲主是春又書魏師還則是魏人有悔禍息兵之意故綱目書以予之也今乃復攻貶貽何哉且前日宋以無名興師魏旣戰而勝之是亦足矣殺掠屠戮以人爲嬉方且蟻附一城之下積尸成山流血成池果何謂耶故綱目書魏主攻貶貽則見其以國君之重自將而攻一城書宋將軍臧質拒之則見其以大國而困於一偏校不能克也書魏師退走則見其以全師之

主德

魏破六州
元嘉無勝
氣矣

宋未聞將
不中制之
說乎

宋令民遭寇者蠲其稅調。

衆力屈而遁是皆貶之之意也孟子曰爭地以戰殺人盈野爭城以戰殺人盈城此所謂率土地而食人肉罪不容於死其魏主之謂乎末年宗愛之及宜矣

魏人凡破南兗徐兗豫青冀六州殺掠不可勝計丁壯者卽加斬截嬰兒貫於槩上盤舞以爲戲所過郡縣赤地無餘春燕歸巢於林木魏之士馬死傷亦過半國人皆尤之宋主每命將出師常授以成律交戰日時是以將帥蹙頽莫敢自決又江南白丁輕進易退此其所以敗也自是邑里蕭條元嘉之政衰矣詔降太尉義恭爲驃騎將軍鎮軍將軍駿爲

能

北中郎將初魏主過彭城遣語城中曰食盡
且去麥熟更來及期江夏王義恭議欲芟麥
入保參軍王孝孫曰虜不能復來既自可保
如其更至此議亦不可立百姓饑饉日久方
春野採自資一入保聚餓死立至民知必死
何可制耶虜若必來芟麥無晚長史張暢曰
孝孫之議實有可尋典籤董元嗣進曰王錄
事議不可奪別駕王子夏曰此論誠然暢曰
芟麥移民可謂大議一方安危事繫於此子
夏親爲州端曾無異同及聞元嗣之言則慙
笑酬答阿意左右何以事君

集覽

別駕猶長
史也漢制

別駕一人從刺史行部別乘一乘傳故謂之
別駕又注見漢靈帝中平四年親爲州端親

躬也州端州之佐也按劉豐為商州長史制曰宜踐端寮之列又職源曰大邦端佐

實南兗徐兗豫青冀六州南兗注見漢武帝元朔五年淮南徐注見秦始皇二十八年

彭城兗注見漢獻帝興平二年豫注見周赧王三十七年陳青注見漢桓帝永康元年冀

注見漢景帝三年濟南蹇退縮貌韓文公送李愿序足將進而蹇蹇典義官名注見營

陽王景平二年王錄事謂王孝孫也

錄事謂王孝孫也

發明宋主無故暴兵使六州之民肝腦塗地今乃蠲其稅調果何及耶况春燕

歸巢於林木民且亡矣稅調亦

奚從出哉書非美之蓋譏之也

三月魏主還平城

魏主還平城、飲至告廟、以降民五萬餘家、分置近畿

集覽

飲至告廟、左傳隱五年歸

而飲至以數軍實、注歸而告、至於廟、因飲以數車徒器械及所獲也

質實

平城縣名

注見漢高

帝七年

進

魏以盧度世為中書侍郎

初魏中書學生盧度世、坐崔浩事、亡命匿高陽鄭罷家、吏囚罷子掠治之、罷戒其子曰、君

子殺身成仁、雖死不可言。其子奉父命、吏以火焚其體、終不言而死。及魏主臨江、問宋使

鄭罷父子
俱義

者曰盧度世亡命已應至彼使者曰不聞魏主乃赦度世度世自出魏主以爲中書侍郎度世爲其弟娶鄭麗妹以報德

質實

高陽縣名注見晉愍帝建興四年

夏四月魏荊州刺史魯爽及其弟秀奔宋

初魯宗之奔魏其子軌爲魏荊州刺史襄陽公鎮長社常思南歸以昔殺劉康祖及徐湛之之父故不敢來軌卒子爽襲父官爵爽少有武幹與弟中書郎秀皆有寵於魏主旣而有罪魏主詰責之爽秀懼誅殺魏戍兵帥部曲千餘家奔汝南請降于宋宋主大喜以爽爲司州刺史鎮義陽秀爲潁川太守魏人毀其墳墓徐湛之以爲廟筭遠圖特所獎納不

通鑑綱目卷二十一 魏太武太平真君十二年

敢苟申私怨乞屏居田里不許

集覽

廟筭注見漢宣帝神爵元年廟勝之冊

質

實

魯宗之鄆人荊州注見漢獻帝建安十三年南郡襄陽縣名注見漢獻帝建安十二

年長社縣名注見漢光武建武八年部曲注見陳文帝天嘉元年汝南郡名注見漢光武

建武十九年司州注同上年汝南義陽縣名注見梁武帝太清二年潁川郡名注見漢獻

帝興平元年許昌

遲
宋以何尚之為尚書令徐湛之為僕射

尚之以湛之國戚任遇隆重每事讓之朝事悉歸湛之